

LG AMARNATH REVIEW

لیفٹیننٹ گورنر منوج سنہا نے اک اعلیٰ سطحی میٹنگ غے دوران آئینده امرناتھ یاترہ بارے انتظامات غو جائیزو لیو بے اس میٹنگ مانہ فوج پولیس سی ار پے ایس تے خفیہ ایجنسیاں غ اعدہ یداراں نے شرکت کی میٹنگ غے دوران لیفٹیننٹ گورنر نے محفوظ تے بہتر طریقہ سنگ امرناتھ یاترہ مکمل کیا جان غا سلسلہ مانہ تمام فریقاں بشکار بہتر تے غیر محسوس رابطہ غی ضرورت ور زور پایو اُنہاں نے اس موقع ور حفاظتی بندوبست تعیناتاں غی منصوبہ بندی تے ہنگامی اقدامات غوجائیزو لیو شری امرناتھ جی شرانین بورڈ غا چید ایگزیکٹیو افسر مندیب کمار بھنڈاری نے امرناتھ یاتریاں نانہ دستیاب کرائی جان آلی سہولتاں بارے جانکاری دتی ایل جی موصوف نے متعلقہ عہدیداراں نانہ ہدایت کی بے جے امرناتھ یاترہ نانہ پُرامن طور ور کامیاب بنان غی خاطر بہتر توں بہتر تیاری ک جائے۔

CM RAABITA

وزیر اعلیٰ عمر عبداللہ نے جموں کشمیر اگ بکھ بکھ علاقان تیں آیا وفداں سنگ ملاقات غی خاطر اپنا رابطہ دفتر سرینگر مانہ ایک عوامی رسائی پروگرام منعقد کیو اس عوامی رسائی غ اپروگرام غے دوران کشمیری زبان محکمہ مال غی تنظیم نو صنعتی ترقی او بی سی طبقہ غی بہبود سیاحت جانوراں غا بچاؤ تے بقایا تقری معاملان نانہ چایو گیو ان وفداں مانہ آئی آئی ٹی جموں بھارت سی ایس آر نٹ ورک تے میڈیا گروپ وی شامل ہیں جنہاں نے اپنا پنا مطالبہ وزیر اعلیٰ غے باندے رکھیا وزیر اعلیٰ نے تمام وفداں نانہ غور نال سنیو تے اُن غی جائیز تشویشاں غا فوری ازالہ غو یقین دوايو اس عوامی پروگرام مانہ وزیر اعلیٰ غے ہمراہ اُن گا مشیر ناصر اسلم وانی تے دوجا سنئیر افسر وی موجود تھا۔

CS SASCI

چیف سیکرٹری اتل ڈلو نے اک میٹنگ غی صدارت کرتا واں مرکزی سرکار غی ریاستان نانہ سرمایہ کاری بارے خصوصی امداد غے متعلق سکیم غی عمل آوری ور غور کیو۔ موجودہ مالی سال غے دوران قابل نفاذ اس سکیم غے تھت ایس اے ایس سی آئی غی طرفوں سرمایہ کاری غا اخرات غی خاطر 50 براں توڑی بغیر سود غے قرضہ مہیا کرایا جان غی پیشکش کی گئی بے میٹنگ غے دوران چیف سیکرٹری نے مقررہ مدت غے اندر مکمل کیا جان آلا پروجیکٹاں غی نشاندہی کیا جان غی ہدایت کی جھپڑا موجودہ مالی سال غے دوران مکمل کیا جئیں گا۔ اُنہاں نے اہم سیاحتی ٹانچہ غی نشاندہی غی وی ہدایت کی تانچے اس سکیم غے تحت موجودہ مالی سال غے دوران اس خاطر وی رقومات مہیا کرائی جاسکیں اُنہاں نے اس سکیم نانہ پائیدار ترقی غی خاطر اک اہم سکیم قرار دیتا واں محکماں ور زور پایو جے وے اس سکیم نانہ عملان غی خاطر مشن سطح ور کم کریں۔

WORLD BLOOD DONOR DAY

اج خون غا عطیو دین آلا افراد بارے عالمی دن منایو جارہیو بے اس سال غو عنوان خود دیو امید دیو ہم مل غے زندگیاں نانہ بچاواں رکھیو گیو بے اس غا منایا جان غو مقصد خون محفوظ رکھن نالے رضاکارانہ طور ور مفت خون غا عطیا دین آلا افراد غو شکریو ادا کرنو بے خبراں گو علاقائی یونٹ آکاشوانی جموں اج دوپہر ساڈا 12 بجے خون غا عطیہ دین غا عالمی دن غی مناسبت سنگ اک خصوصی پروگرام پیش کر رہیو بے اس پروگرام غے دوران خون منتقل کیا جان بارے شعبہ جی ایم سی

جموں غی سربراہ تے پروفیسر ڈاکٹر مینا سدھو خون عطیو کرن غی اہمیت متعلقہ دوجا اہم معاملہ بارے اپنی ماہرانہ رائے پیش کریں گی۔ اس پروگرام غی میزبانی کریں گا مارا انکر وجے بجاج تے ابھیلاشا شرما سامعین ناہہ اس معلوماتی پروگرام ماہہ سنن غی خاطر آکاش وانی نیوز غا میڈین ویو 990 کلو ہٹز تے ایف ایم 100.3 میغا ہٹز ور ٹیون کرن غی صلاح دتی گئی ہے۔

UDH YOGA DAY

یوگا 2025 غا یار ہواں بین العقوامی تہاڑ ہ بارے تیاریاں غا سلسلہ ماہہ ڈی سی دفتر کمپلیکس ادھمپور ماہہ ڈپٹی کمشنر سلونی رائے غی صدارت ماہہ ایک میٹنگ منعقد ہوئی میٹنگ غے دوران اس تہاڑہ غی نسبت سنگ بون آلی تقریب غا مقام شمولیت کرن آلا افراد سٹیج رفرشمنٹ شہر پارکنگ حفاظتی تے دوجا انتظامات بارے تفصیلی غور کیو گئیو ڈپٹی کمشنر نے اس موقع ور متعلقہ محکماں ناہہ اپنی اپنی ذمہ داریاں غی تکمیل غی خاطر ولے سر اقدامات کیا جان غی ہدایت کی۔

PROG ANNOUNCEMENT YOGA DAY

آکاشوانی جموں گا علاقائی نیوز یونٹ غی طرفوں آئندہ 18 جون ناہہ سویر 7 بجے غے 10 منٹ ور بین العقوامی یوگا تہاڑہ غی مناسبت سنگ 20 منٹاں ور مبنی اک پروگرام نشر کر یگو اس پروگرام ماہہ معروف یوگا اچاریہ ڈاکٹر سجاتا ساتھو یوگا غی اہمیت بارے اپنا ماہرانہ خیالات غو اظہار کریں گی اس پروگرام غی میزبانی کریں غا مارا انکر گنال شری وتس تے شروتی کھجوریہ سامعین ناہہ اس معلوماتی پروگرام ماہہ سنن غی خاطر آکاش وانی نیوز غا میڈین ویو 990 کلو ہٹز تے ایف ایم 100.3 میغا ہٹز ور ٹیون کرن غی صلاح دتی گئی ہے۔

ANNOUNCEMENT PTC

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگار یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ ماہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے آن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ ماہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت ماہہ تجربہ مقرر کیو گئیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج ماہہ تجربہ وی ضروری ہے۔ عارضی نامہ نگار غی پوسٹ ماہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش رکھتو وے اس سلسلہ ماہہ درخواست غی ہارڈ کاپی ضروری دستاویزات

غے ہمراہ ہیڈ ریجنل نیوز یونٹ آکاشوانی پنچترتھی جموں ماہہ بزات خود آئندہ 15 جون توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in
